

# ¡TRISTIA!

¿Eskuchotik eldu ta  
eskalletan bera,  
pastel bana eman ta  
etzera atera,  
nere Julitarekiñ  
lenago kalera,  
eskolik ez dalako  
anchen jostatzera?  
¿Non dezu aizpachua?  
¿non ibildu zera?..  
¿eztakizula non dan  
esanaz onera,  
zatoz zure amaren,  
begiyen aurrera?  
¡Jesús amoriyua;  
¡Jesús biyotz-bera,  
zu nere doloriaz  
kupitzen bazera,  
arren bildu nazazu  
aurchua echera....  
—Amacho ¿nola beste  
denda aundiyartan  
amoñakiñ gosuak  
genituben *ñan ñan*?  
¿Ez aldaki amacho  
nola izan giñan....  
¡chupatzekuak ere  
badira bada an?  
—¡Non ene, non!  
—Eztaki,  
Piakiñ lenguan,

pastel aundi bat nola  
ikusi genduban?  
—A! bai; Pepaenian;  
¿Zer gauzak goguan  
ume berrichu onek  
gordetzen dituban.  
¿Eta zer?

—Anitacho  
aizparen kontuban,  
anchen biyak utzita  
alkarren onduan,  
nere amoñagana  
juan nintzan orduan.  
Arnacho, kulpa denak  
eman Anitari,  
zergatikan Anitak  
esan ziran neri,  
ark egingo ziyola  
kontu Julitari.

. . . . .

Onla kulpa emanaz  
batek bestiari,  
ama larritu triste  
penaz betiari,  
etzizayon aingeru  
laztana ageri.  
*Beltza, zer beltza kulpak  
biar duben izan,  
guziyak itzulika  
juan nai dutenian.*